



SÁMEDIGGI
SÁMITIGGE
SÄÄ'MTE'G'G'
SAAMELAISKÄRJÄT

SÄÄMI KULTTUURKUÁVDÁÁ OLÁŠUTTEMPROOJEEKT



Euroopan uniioni
Euroopan aluekehitysrahasto

TIÄDÁTTÁS Almostittemrijjâ tállán

SÄÄMI KULTTUURKUÁVDÁÁ NOMMÁKIŠTO UÁRNEJUVVOO UDDÁSIST

Sámitigge uárnee uddâ nommákišto, mon uáivilin lii kavnáđ Aanaar markkânân ive 2012 valmáštuvee Sáämi kulttuurkuávdázân ton uáivil já tooimâ kovvejejee noomâ. Kištoäigi lii 18.1. – 17.3.2010.

Kišto čuávdá 10-jeessânsâš palhâšumelävdikodde, moos kulá ohtâ ovdâsteijee jieškote-uv kulttuurkuávdáá kevteeorganisaatiost (ohtsis 8 ovdâsteijed) sehe ovdâsteijeeh Seenaat-kiddoduvâin já kulttuurkuávdáá arkkitehtuurkišto vuáittám vuávájejejuávhust. Lävdikodde lii nomáttám jieijâs koskâvuodâst 4-jeessânsâš pargováljukode árvuštálláđ puáttám nommâiävtuttâsâid sehe valmášttálláđ palhâšumelävdikoodán iävtuttâs kišto vyeitteeiävtukkâsâin.

Nommákišto uárnejui vuossâmuu keardi roovvâdmáánust 2009, já talle meriááigán puáttám já palhâšumelävdikode čuákkimist 10.12.2009 kiedâvuššâmnáál já árvuštállâmnáál tuhhiittum nommâiävtuttâsah lijji ohtsis 69. Palhâšumelävdikodde kuodij lehâhännáá kuttâ mañanum tâi mudoi njuolgâdusâi vuástásávt toimáttum iävtuttâskoovert.

Nommákištoin uccui säämi kulttuurkuávdázân uánihis, pehtilis, mielânpäccee já iäránejeje sâmikielâlâš noomâ, mii kovvee kulttuurkuávdáá kulttuurlâš ulme já merhâšume, säämi jiešnâlâsâšvuodâ, vijdes já mañgâpiälâsâš tooimâ sehe ton arkkitehtuurlâš hämikielâ.

Palhâšumelävdikodde čokkânij Avelist 13.1.2010 kiedâvuššâđ nommákištoin väljejum pargováljukode iävtuttâs nommâiävtuttâsâin sehe uddâ já tärhistum kišto njuolgâdusâin. Palhâšumelävdikodde lâi siämmáá mielâ pargováljukuddijn tast, et árvuštállâmnáálá tuhhiittum nommâiävtuttâsâin ij kavnuu ohtâgin kišto njuolgâdusâi vátámâšâid tevdee iävtuttâs. Nuuvtpa palhâšumelävdikodde meridij iävtuttid pargováljukode iävtuttâs miäldásávt, et Sámitigge uárnee uddâ, palhâšumelävdikode tuhhiittum njuolgâdusâi miäldâsii nommákišto 18.1.2010 – 17.3.2010. Kištoäigi lii kyehti mánuppaje. Uddâ kištoost váldojeh vuotân sierânâs vátámâšâttáá palhâšumelävdikode 10.12.2009 hilgon iävtuttâsah.

Uddâ kišto njuolgâdusah sehe vuossâmuu nommákištoin puáttám tuhhiittum iävtuttâsah kávnovejeh Sáämi kulttuurkuávdáá päikkisijđoin www.samediggi.fi/skk 18.1.2010.

Lasetiäduid addel Sámitige haldáttâshovdá já palhâšumelävdikode čállee Juha Guttorm p. 0400–142 518, palhâšumelävdikode saavâjodetteijee Janne Näkkäljärvi p. 040-7599 427 sehe palhâšumelävdikode värisaavâjodetteijee Eija Leivo p. 040–8304 886

Säämi kulttuurkuávdáš, mii huksejuvvo Aanaar markkânân, šadda lede Suomâ sämmilij haldáttâs já kulttuur kuávdáš. Säämi kulttuurkuávdáá uáivilin lii lääččid sämmiláid pyerebijd iävtuid jiešiävtulávt paijeentoolláđ já ovdedid jieijâs kielâ, kulttuur já iäláttâstooimâ sehe tipšod já ovdedid jieijâs kulttuurjieshaldâšem já tuárjuđ sämmilij almolâš eellimtille ovdánem. Kulttuurkuávdáš pyereed meiddei merhâšitteht máhdulâšvuodâid levättid tiäđu sämmilijn algâalmugin. Säämi kulttuurkuávdáá huksimân lii miedettum 5 miljovn eurod Euroop union kuávuovdedemruttáráju ruudâid.